



REPUBLICA E KOSOVËS / REPUBLIKA KOSOVA / REPUBLIC OF KOSOVA
 Qeveria e Kosovës / Vlada Kosova / Government of Kosovo
 Ministria e Financave / Ministarstvo za Finansije
 Ministry of Finance
 Arkivo - Arhiva - Archive

Mjesia Org: 02mqp
 Nr. Prot: 1208/1
 Org. Jedin: 1208/1
 Prot. No: 1208/1

Nr. i faqesve: 1
 Broj stranica: 1
 No. pages: 1

Data: 09.06.2022
 Datum: 09.06.2022

Dalës: PRICHTINËJA

Republika e Kosovës
Republika Kosova - Republic of Kosovo
Qeveria - Vlada - Government

*Ministria e Financave, Punës dhe Transfereve - Ministarstvo Finansija, Rada i Trasfera -
 Ministry of Finance, Labour and Transfers*

Për:	Bali Muharremaj , Kryetari i Komunës së Suharekës Bexhet Kuçi , Kryesues i Kuvendit të Komunës
Kopje:	Elbert Krasniqi , Ministër në Ministrinë e Administrimit të Pushtetit Lokal Venera Çerkini , Zv. Sekretare e Përgjithshme, Ministria e Administrimit të Pushtetit Lokal Njësia për Administrimin e Dokumenteve, Ministria e Administrimit të Pushtetit Lokal
Përmes:	Resul Makreshi , Zv. Ministër në Ministrinë e Financave, Punës dhe Transfereve Enis Spahiu , Zv. Sekretar i Përgjithshëm, Ministria e Financave, Punës dhe Transfereve
Nga:	Clit Shala , Zv. Drejtor i Departamentit Ligjor, Ministria e Financave, Punës dhe Transfereve
Zyrtarët përgjegjës:	Referencë: 098/2022
1. Zyrtari hartues i vlerësimit ligjor	Bora Duli , Zyrtare e Lartë Ligjore, Ministria e Financave, Punës dhe Transfereve
2. Zyrtari konfirmues i vlerësimit ligjor	Kimete Zekaj , Zyrtare e Lartë për Politika Buxhetore, Ministria e Financave, Punës dhe Transfereve
Lënda:	Shqyrtimi i ligjshmërisë
Lloji i aktit:	Vendim



I nderuari Kryetar z. Muharremaj,
 I nderuar Kryesues z. Kuçi,

Në pajtim me Rregulloren (QRK) Nr. 10/2019 për Shqyrtimin Administrativ të Akteve të Komunave, plotësuar dhe ndryshuar me Rregulloren (QRK) Nr. 06/2021, në bazë të kompetencave ligjore të Ministrisë, të përcaktuara me ligjet bazike dhe Rregulloren (QRK) Nr. 02/2021 për Fushat e Përgjegjësisë Administrative të Zyrës së Kryeministrit dhe Ministrive, plotësuar dhe ndryshuar me Rregulloren (QRK) Nr. 04/2021, Departamenti Ligjor i Ministrisë së Financave, Punës dhe

Transfereve, ka pranuar për shqyrtim të detyrueshëm të ligjshmërisë, ashtu siç parashihet me nenin 81 të Ligjit Nr. 03/L-05 për Vetëqeverisje Lokale, aktin komunal si në vijim:

<i>Vendim Nr. 016-31919 me të cilin klubit të futbollit "Ballkani" i ndihmohet me mjete financiare në vlerën prej 80.000 për ushtrimin e aktiviteve sportive</i>
<i>I miratuar më datë 30.05.2022</i>
<i>I parashtruar për shqyrtim në Ministrinë e Administrimit të Pushtetit Lokal më datë 30.05.2022</i>
<i>I dërguar për shqyrtim në Ministrinë e Financave, Punës dhe Transfereve më datë 03.06.2022</i>

Ministria e Financave, Punës dhe Transfereve (këtej e tutje referuar si "Ministria"), pas shqyrtimit të përmbajtjes së aktit të mësipërm të Komunës së Suharekës, jep konstatimet ligjore të mëposhtme:

1. Komuna e Suharekës, me anë të aktit administrativ komunal, ka synuar ndarjen e mjeteve financiare të kësaj organizate buxhetore për mbështetjen financiare në vlerën prej 80,000 Euro të klubit të futbollit 'Ballkani' përmes kategorisë së "subvencioneve dhe transfereve".
2. Si pikë e parë, edhe përkundër faktit se Komunave iu jepet pavarësi financiare në menaxhimin e financave të tyre, ashtu të precizuara me nenin 2 të Ligjit për Financat e Pushtetit Lokal, Komunitat obligohen t'i zbatojnë dispozitat e aplikueshme të Ligjit Nr. 03/L-048 për Menaxhimin e Financave Publike dhe Përgjegjësitë, plotësuar dhe ndryshuar me Ligjin Nr. 03/L-221, me Ligjin Nr. 04/L-116, me Ligjin Nr. 04/L-194, me Ligjin Nr. 05/L-063, me Ligjin Nr. 05/L-007 dhe me Ligjin Nr. 06/L-21 (këtej e tutje referuar si "LMFPP"), gjatë disponimit me të hyrat financiare komunale, e përcaktuar si në vijim:

Neni 7
Burimet Financiare Komunale

7.2 Komunitat duhet t'i zbatojnë dispozitat e aplikueshme të LMFPP gjatë disponimit me këto burime financiare.

3. Në kuptim të shpenzimit të rregullt të parasë publike, neni 17 i LMFPP-së precizon qartë se paratë publike do të përdoren vetëm për qëllime të miratuara publike, si dhe të shpenzohen nga fondet e ndara dhe të alokuara [theks i shtuar].
4. Nisur mbi këtë bazë, Ministria ka konsultuar Ligjin Nr. 08/L-066 mbi Ndarjet Buxhetore për Buxhetin e Republikës së Kosovës për vitin 2022, si dhe strukturat përgjegjëse të Ministrisë për buxhetin e Komunës së Suharekës, ku është evidentuar se organizata buxhetore i ka të planifikuara shpenzimet e potencuara me aktin komunal për këtë vit fiskal.
5. Përkundër kësaj, si dhe duke konsideruar që shqyrtimi i aktit komunal nuk reduktohet vetëm në shumën e ndarë për financim, Ministria e ka verifikuar statusin e klubit të futbollit "Ballkani" në Sistemin Elektronik të Organizatave Jo-Qeveritare (SEOJQ). Sipas të dhënave në këtë sistem, Shoqata është e regjistruar si Organizatë Jo-Qeveritare (OJQ).
6. Për financimin publik të OJQ-ve, në gamën legjislative të Ministrisë evidentohen si relevante dispozitat ligjore të Rregullores Nr. 04/2017 mbi kriteret, standardet dhe

procedurat e financimit publik të OJQ-ve (këtej e tutje referuar si 'Rregullore për Financimin e OJQ-ve'). Rrjedhimisht, dispozitat e kësaj Rregullore janë të zbatueshme dhe relevante për shqyrtimin e ligjshmërisë së aktit komunal në këtë vit fiskal.

7. Në rastin konkret, Ministria nuk ka pranuar dëshmi, por nuk është kufizuar në dëshminë e thirrjes publike dhe themelimin e Komisioneve relevante, për të konstatuar nëse subvencionimi është realizuar konform dispozitave të Rregullores.
8. Si përfundim, Ministria sqaron se vetëm nëse përgjatë marrjes së këtij vendimi janë zbatuar dispozitat e Rregullores për Financimin e OJQ-ve, mund të konstatohet se Komuna mund ta realizojë masën e përcaktuar me aktin komunal. Në të kundërtën, akti komunal mbetet i kundërligjshëm dhe/ose i pazbatueshëm, nëse nuk ka pasur zbatim të procedurave të përcaktuara me Rregulloren për Financimin e OJQ-ve nga ana e Komunës së Suharekës.

Ministria mbetet në dispozicion të Komunës së Suharekës dhe/apo Ministrisë së Administrimit të Pushtetit Lokal për çfarëdo sqarimi të mëtejshëm lidhur me këtë vlerësim.

Me respekt!

Interpretimi i dhënë nga Ministria e Financave, Punës dhe Transfereve përkitazi me këtë çështje mbështetet vetëm në këndvështrimet që prekjin fushëveprimin legjislativ të Ministrisë së Financave, Punës dhe Transfereve